

Regio.

Europa
unde dicta.

Situs.

EUROPAM licet omnium minimā, primo locum potissimis Terreſtris Globi Delincatoribus, describemus: vel ob ſoli nobilitatem, vel ob frequentiam incolarum, vel ob præclara eorū facinora qui eam hætenus tenuere. Plinius eam altricem vocat victoris omnium gentium populi, longæque terrarū pulcherrimam. Aliæ ſanè partes etſi majores ſint, vaſtioresque, minus tamen habitæ ſunt. Principium igitur det has aliâſque ob cauſas plurimas Europa: nobiliſſima hæreditatis Iapheti (qui primogenitus Noæ liberorum ſua pomeria produxit etiam in fratrum Semi Chamique terras) portio. Hæc paucis de ordinis ratione: jam nunc Etymon ſuccedit explicandū. Herodotus nominis hujus originē ignorari notat: aliis tamē ab Europā Tyrriā dici, Agenoris Phœnicū (Libyæ inquit Iſidorus) regis filiā: quam Iovem in Bovem converſum rapuiſſe tergōque impoſitam Sydone in Cretam, vel Cyprum avexiſſe, fabulantur veteres. Alii fabulis reſectis, raptam volunt Navi Tauriformi: alii Navem hîc agnoſcunt quæ Iovis tutelam, effigiēque Tauri habuerit: Palephatus virum quendam Cretenſem Taurum nominatum fuiſſe ſcribit, qui ex Tyrrenā regione cum cæteris puellis Europam regis filiam abduxit captivam: ſunt qui Legionē militarem fuiſſe arbitrantur, cui inter Signa Inſigne erat Tauri: quidam, ob pulchritudinem regionis, per ſimilitudinem raptæ filiæ, ſic appellatam ferunt. Ab Europo ſic vocatam non malè quis dixerit, quem in hac Orbis Terrarum parte aliquando regnum tenuiſſe memoriæ proditum. Becanus perſuaderi nolens Europam Græcam habere nomenclaturam, quū prius ab Cimмериis ſit habitata, quā ab Græcis, uſque; alia quā his fuerit lingua, ſic vocatam putat à gentis præſtantiā: *VER* enim monosyllabū per dipthongum elatum nihil aliud eſſe, quā magnum quid & excellens, quodque in quāque re præſtantiſſimum: *HOP* autem hominum multitudinem deſignare. Europæos, hodie *Francoſ* univerſim appellant Aſiatici. Turcis *Franki* vocantur religionis Romanæ cultores, ut *Romei* qui Græcæ addidit. Abyſſini, quod reſtantur variorū Ephemerides, in Africā, nos etiam *Aſfrangues*, Chriſtianorū autem regionē *Frankiam* nūcupant. Hæc de nomine, ſequitur Situs ſive Quantitas. Quod illam attinet, tenendū cum primis Ptolemaum aliōſque veteres Europam collocare inter Climata 4 & 9: inter Parallelos 11 & 21: inter gradus latitudinis 36 & 54, longitudinis 17 & 61: noſtrā ætate, quum & Solis declinatio, quemadmodum obſervatum eſt, mutata ſit, & plurima loca, Europæ noſtræ ad cenſenda, ad 72 uſque latitudinis gradum verſus Septemtrionem in noritiā venerint: eāmq; ob cauſam ulterior Climatū Parallelorūmq; Notatio fuerit excogitata: Sita conſpicitur Europa inter Climata 14 & 21: Parallelos 21 & 35: Gradus denique latitudinis quidē 35 & 55, longitudinis autē, ſi, quā longiſſimè ſe expandit, conſideretur à Promontorio Hiſpaniæ, quod *Cabo S. Vincentii* hodie vocant, uſque; ad lineam rectā à Tanais fonte ad Oceanum Borealem ductam, inter Gradus ferè 21 & 55: quā verò brevifſima, ab eodē Hiſpaniæ Promontoriō uſque; ad Maleā Peloponneſi caput, excluſis ſægæ maris, quæ Europæ adnumerari poſſunt, Inſulis, inter gradus 21 & 55: adeo ut meridionalifſima Europæ ſint gradu latitudinis 35, Hiſpaniæ mons Calpe, una Herculis Columnarum, Promontorium Siciliæ Auſtrinum, *Odyſſia* olim, & Peloponneſi, hodie